

疆
苑
藝
書



南歌子

榴破猩肌血，萱開鳳尾黃。
舊閒風簾雪肌涼。一枕濃香，
魂夢到巫陽。雲紵描瑤草，
蓮顛洗玉漿。碧梧深院小，
藤牀此意，一江春水正難量。

攤破浣溪沙

蠶欲眠時日已曛，柔桑葉大綠團團。
雲羅敷猶小陌上看行人，翠實低條梅弄色，
輕花吹墮麥初勻。鳴鳩聲裏過盡太平村。

浣溪沙

貼體宮羅試袂衣，冰藍嬌淺染東池。
春風一把瘦腰支。戲鏤寶鈿呈翡翠，
笑拈金翦下酴醾。最宜京兆畫新眉。

眉

又

萬疊春山一寸心
章臺西去柳陰陰
藍橋特爲好花尋
別後魚封煙漲闊
夢回鸞翼海雲深
情知頓著有如

今

又

繡館人人倦踏青
粉垣深處簸錢聲
賣花門外綠陰輕
簾幕風柔飛燕燕
池塘花煖語鶯鶯
有誰知道一春

情

又

摩腹椎腰春事非
樂天猶恨小樊歸
多生餘念向來癡

往事半隨殘夢轉飛詞不盡短封題竹奴應笑減腰

圍

謁金門

簾半窳四座綠圍紅簇歌盡玉臺連夜燭歡緣仍恨促
休唱蓮舟新曲煙水畫船搖綠腸斷鴛鴦三十六紫
蒲相對浴

劉記室迎

迎字無黨東萊人初以廕試部掾大定十三年用薦
書對策爲當時第一明年登進士第除幽王府記室
改太子司經顯宗特親重之二十年從駕涼陁以疾
卒章宗卽位錄舊學之勞賜其子國樞進士第無黨

自號無諍居士有詩文樂府號山林長語詔國學刊
行

烏夜啼

菱鑑玉篦秋月蕙鑪銀葉朝雲宿醒人困屏山夢煙樹
小江村 翠甲未消蘭恨粉香不斷梅魂離愁分付殘
春雨花外泣黃昏

又

離恨遠縈楊柳夢魂長繞梨花青衫記得章臺月歸路
玉鞭斜 翠鏡啼痕印袖紅牆醉墨籠紗相逢不盡平
生事春思入琵琶

承旨党公

公諱懷英字世傑宋太尉進之十一代孫父純睦自
馮翊來以從仕郎爲秦安軍錄事參軍卒官妻子不
能歸遂爲奉符人公之在孕也太夫人夢道士吳筠
來託宿及公生儀觀秀整如神仙然少穎悟日授干
餘言師亳社劉岳老濟南辛幼安其同舍生也嘗試
東府取解魁是後困於名場遂不以世務嬰懷放浪
山水閒詩酒自娛箎瓢屢空晏如也夫人石氏徂徠
先生之後亦能安貧守分旣久鄉豪傑有知公者稍
料理之大定十年擢進士甲科調成陽軍事判官汝
陰令人爲史館編修應奉翰林學士出爲秦定軍節
度使爲政寬簡不言而人化召爲翰林學士承旨致

仕大安三年九月年七十八終於家是夕有大星隕
於所居之堂眾驚視之而公已逝矣諡曰文獻禮部
閑閑公墓誌云公之文似歐公不爲尖新奇險之語
詩似陶謝奄有魏晉篆籀入神李陽冰之後一人而
已嘗謂唐人韓蔡不通字學八分自篆籀中來故公
書上軋鍾蔡其下不論也小楷如虞褚亦當爲中朝
第一書法以魯公爲正柳誠懸以下不論也古人名
一藝而公獨兼之可謂全矣皇叔承蹈伏誅公作詔云天下一家詎可窺於
神器公族三宥卒莫道於常刑非忘本根骨肉之情
蓋爲宗社安危之計亦由涼德有失陸親乃於閒歲
之中連致逆謀之起恩以義掩至於重典之亟行天
高聽卑殆匪此心之得已興言及此惋歎奚窮論者
謂公之制誥百年以來亦當爲第一
閑閑公作碑偶不及此故表出之

青玉案

紅紗綠弱春風餅趁梅驛來雲嶺紫桂巖空瓊寶冷佳
人卻恨等閒分破縹緲雙鸞影一甌月露神魂醒更
送清歌助清興痛飲休辭今夕永與君洗盡滿襟煩暑
別作高寒境

感皇恩

賦疊羅花

碧玉撚柔條藍袍裁葉明豔黃深軟金疊道裝仙子謫
墮蕊珠仙闕爲春閒管領花時節漢額妝穠楚腰舞
怯襞積裙餘舊宮褶東君著意留伴小庭風月任教鷓
鴒喚羣芳歇

鷓鴣天

雲步凌波小鳳鉤年年星漢踏清秋只緣巧極稀相見
底用人閒乞巧樓天外事兩悠悠不應也作可憐愁
開簾放入窺窗月且盡新涼睡美休

感皇恩

一葉下梧桐新涼風露喜鵲橋成渺雲步舊家機杼巧
織紫綃如霧新愁還織就無重數天上何年人閒朝
暮回首星津又空渡盈盈別淚散作半空疏雨離魂都
付與秋將去

月上海棠

用前人韻

傲霜枝嫋團珠蕾冷香霏煙雨晚秋意蕭散繞東籬尙
彷彿見山清氣西風外夢到斜川栗里斷霞魚尾明

秋水帶三兩飛鴻點煙際疏林颯秋聲似知人倦游無
味家何處落日西山紫翠

黃華王先生庭筠

庭筠字子端熊岳人父遵古字仲元正隆五年進士
仕爲翰林直學士才行兼備道陵所謂昔人君子者
也子端早有重名大定十六年甲科文采風流照映
一時歷州縣用薦者供奉翰林承安中爲言事者所
累謫鄭州幕官未幾復應奉稍遷修撰卒官年四十
七子端詩文有師法高出時輩之右字畫學米元章
其得意處頗能似之墨竹殆天機所到文湖州以下
不論也平生愛天平黃華山水居相下十年自號黃

華山主有集傳於世其沒也道陵有詩悼之其引云
王遵古朕之故人也乃子庭筠復以才選直禁林者
首尾十年今茲云亡玉堂東觀中無復斯人矣其家
以遺文來上尋繹之久良用愴然詩不錄屏山故人
外傳云子端宦家子風流蘊藉冠冕一時爲人眉目
如畫美談笑俯仰可觀外視若簡貴人初不敢與接
一見之後和氣津津溢於衡宇聞又其折節下士如
恐不及苟有可取極口稱道之故人人恨相見之晚
也子萬慶字禧伯詩筆字畫俱有父風仕爲行尚書
省左右司郎中猶子明伯幼歲學書書家卽稱賞之
侗儻無機斨力絕人曾有詩云釣鼈公子鐵心胸興

在三山碧海東千尺雲帆已高揭不知何日得秋風
死於鄧州年未四十也

大江東去癸巳暮冬小雪家集作

山堂晚色滿疏籬寒雀煙橫高樹小雪輕盈如解舞故
故穿簾入戶掃地燒香團樂一笑不道因風絮冰漸生
硯問誰先得佳句有夢不到長安此心安穩只有歸
耕去試問雪溪無恙否十里淇園佳處修竹林邊寒梅
樹底準擬全家住柴門新月小橋誰掃歸路

謁金門

雙喜鵲幾報歸期渾錯儘做舊愁都忘卻新愁何處著
瘦雪一痕牆角青子已妝殘萼不道枝頭無可落東

風猶作惡

鳳棲梧

衰柳疏疏苔滿地十二闌干故國三千里南去北來人
老矣短亭依舊殘陽裏紫蠟黃柑真解事似倩西風
勸我歸歟未王粲登臨寥落際雁飛不斷天連水

菩薩蠻

回文

斷腸人恨餘香換換香餘恨人腸斷塵暗鎖窗春
春窗鎖暗塵小花檐月曉曉月檐花小屏掩半山青青山
半掩屏

又

客愁楓葉秋江隔隔江秋葉楓愁客行遠望高城城高

望遠行 故人新恨苦
苦恨新人故 斜日晚啼鴉
鴉啼 晚日斜

又

白雲孤映遙山碧
碧山遙映孤雲白
樓倚一天秋 秋天
一倚樓 斷腸隨雁
斷斷雁隨腸 斷來雁
與書回回書 與雁來

清平樂

賦杏花

今年春早到處花開了
只有此枝春 恰到月底
輕顰淺笑 風流全似
梅花承當 疏影橫斜
夢想雙溪南北竹
籬茅舍人家

烏夜啼

淡煙疏雨新秋不禁愁記得青帘江上酒家樓
人不
住花無語水空流只有一雙檣燕肯相留

訴衷情

夜涼清露滴梧桐庭樹又西風熏籠舊香猶在曉帳煖
芙蓉雲淡薄月朦朧小簾櫳江湖殘夢半在南樓畫
角聲中

清平樂

應制

瓊枝瑤月簾捲黃金闕宮鬢蛾兒雙翠葉點綴離南闥
雪東風扇影低還紅雲不隔天顏夜夜華燈萬樹年
年碧海三山

水調歌頭

秋風禿林葉卻與鬢生華十年長短亭裏落日冷邊笳
飛雁白雲千里況是登山臨水無賴客思家獨鶴歸何
晚已後滿林鴉望蓬山雲海闊浩無涯安期玉舄何
處袖有棗如瓜一笑那知許事且看尊前故態耳熱眼
生花肝肺出芒角漱墨作枯槎

謁金門

賦玉簪

秋蕭索燈火新涼簾幕翠被不禁臨曉薄南樓聞畫角
想見玉壺冰萼一夜西風開卻夢覺烏啼殘月落幽
香無處著

王隱君礪

礪字逸賓先世家臨洛至逸賓遂爲汴梁人博學能

文不就科舉孝友天至非其食不食家無甌石之儲
宴如也明昌中故相馬吉甫惠迪判開封舉逸賓王彥
功游宗之德行才能逸賓得鹿邑主簿就乞致仕彥
功以親老調鞏州教官宗之讓不受三人者雖出處
不齊而時人皆以高士目之閑閑公嘗集党承旨趙
黃山路司諫劉之昂尹無忌周德卿與逸賓七人詩
刻木以傳目爲明昌儼人雅製云

浣溪沙夢中作

林樾人家急暮砧夕陽人影入江深倚闌疏快北風襟
雨自北山明處黑雲從白鳥去邊陰幾多秋思亂鄉

心

密國公璿

密公字子瑜興陵之孫越王之長子百年以來宗室
中第一流人也少日學詩於朱巨觀學書於任君謨
遂有出藍之譽文筆亦委曲能道所欲言朝臣自閑
閑公楊禮部雷御史而下皆推重之天資雅重薄於
世味好賢樂善寒士有不能及者明昌以來諸王法
禁嚴諸公子皆不得與外閒交通故公得窮日力於
書讀通鑑至三十餘過是非成敗道之如目前越王
薨後稍得出游文士輩亦時至其門家所藏法書名
畫幾與中祕等客至貧不能具酒殺設蔬飯與之共
食焚香煮茗盡出藏書商略之談大定明昌以來故

事或終日不聽客去風流蘊藉有承平時王孫故態
使人樂之而不厭也所居有樛軒又有如庵自號樛
軒老人其詩號如庵小稿園城中以疾薨時年六十

一

朝中措

襄陽古道灞陵橋詩興與秋高千古風流人物一時多
少雄豪霜清玉塞雲飛隴首風落江皋夢到鳳凰臺
上山園故國周遭

春草碧

幾番風雨西城陌不見海棠紅梨花白底事勝賞愔愔
正自天付酒腸窄更笑老東君人閒客賴有玉管新

翻羅襟醉墨望中倚闌人如曾識舊夢回首何堪故苑
春光又陳迹落盡後庭花春草碧

青玉案

凍雲封卻馳岡路有誰訪溪梅去夢裏疏香風似度覺
來惟見一窗涼月瘦影無尋處明朝畫筆江天暮定
向漁蓑得奇句試問簾前深幾許兒童笑道黃昏時候
猶是廉纖雨

秦樓月

寒仍暑春來秋去無今古無今古梁臺風月汴堤煙雨
水涵天影秋如許夕陽低處征帆舉征帆舉一行驚

雁數聲柔艣

沁園春

壯歲耽書黃卷青燈留連寸陰到中年贏得清貧更甚
蒼顏明鏡白髮輕簪衲被蒙頭草鞋著腳風雨瀟瀟秋
意深淒涼否餅中匱粟指下忘琴一篇梁父高吟看
谷變陵遷古又今便離騷經了靈光賦就行歌白雪愈
少知音試問先生如何卽是布袖長垂不上襟掀髯笑
一杯有味萬事無心

西江月

一百八般佛事二十四考中書山林城市等區區著甚
由來自苦過寺談些般若逢花倒箇葫蘆少時伶俐
老來愚萬事安於所遇

臨江仙

倦客更遭塵事冗故尋閒地婆娑一尊芳酒一聲歌盧
郎心未老潘令鬢先皤醉向繁臺臺上問滿川細柳
新荷薰風樓閣夕陽多倚闌凝思久漁笛起煙波

禮部閑閑趙公秉文

秉文字周臣滄陽人閑閑其自號也幼穎悟讀書若
夙習大定二十五年進士應奉翰林文字上書論宰
相胥持國當罷宗室守貞可大用又言獄訟征伐國
之大政自古未有君以爲可大臣以爲不可而可行
者坐譏訕免官未幾起爲同知尙嵐軍州事轉北京
路轉運司度支判官承安五年冬十月陰晦連日宰

相萬公入對上顧謂萬公曰卿昨言天日晦冥亦猶人君用人邪正不分者極有理趙秉文曩以言事降授聞其人有才藻工書翰又且敢言朕非棄不用以北邊軍興姑試之耳泰和二年改戶部主事翰林修撰出爲靈邊州刺史二年改平定州治化清靜所去人思之貞祐初中國仍歲被兵公建言時事可行者三一遷都二導河三封建朝廷略施行之四年除翰林侍講學士明年轉侍讀興定中拜禮部尙書兼侍讀同修國史知集賢院開興正月京師戒嚴時公已老日以時事爲憂雖食息頃不能忘每聞一事可便民一士可擢用大則拜章小則爲當路者言殷勤鄭

重不能自己竟用是得疾薨年七十四自幼至老未嘗一日廢書不觀著易叢說十卷中庸說一卷揚子發微一卷太玄箋贊六卷文中子類說一卷南華略釋一卷列子補注一卷刪集論語孟子解各一十卷資暇錄一十五卷所著文章號溢水集者前後三十卷大概公之文出於義理之學故長於辨析極所欲言而止不以繩墨自拘七言長詩筆勢縱放不拘一律律詩壯麗小詩精絕多以近體爲之至五言大詩則沈鬱頓挫學阮嗣宗真淳簡淡學陶淵明以他文較之或不近也字畫則有魏晉以來風調而草書尤警絕殆天機所到非學能至宣徽舜卿使河湟夏人

多問公及王子端內翰起居狀朝廷因以公報聘其
爲四方所重如此論者謂公至誠樂易與人交不立
崖岸主盟吾道將三十年未嘗以大名自居仕五朝
官六卿自奉養如寒士不知富貴爲何物蓋學道所
得云

水調歌頭

四明有狂客呼我謫仙人俗緣千劫不盡回首落紅塵
我欲騎鯨歸去只恐神仙官府嫌我醉時眞笑拍羣仙
手幾度夢中身倚長松聊拂石坐看雲忽然黑霓落
手醉舞紫毫春寄語滄浪流水曾識閑閑居士好爲濯
冠巾卻返天台去華髮散麒麟

昔擬栩栩仙人王雲鶴贈予詩云寄與閑閑傲浪仙
枉隨詩酒墮凡緣黃塵遮斷來時路不到蓬山五百年
其後玉龜山人云子前身赤城子也予因以詩記之
云玉龜山下古仙真許我天台一化身擬折玉蓮騎
白鶴他年滄海看揚塵吾友趙禮部庭玉說丹陽子
謂予再世蘇子美也赤城子則吾豈敢若子美則庶
幾焉尙愧辭翰微不及耳因作此以寄意焉

青杏兒

風雨蒼花愁風雨罷花也應休勸君莫惜花前醉今年
花謝明年花謝白了人頭乘興兩三甌揀溪山好處
追游但教有酒身無事有花也好無花也好選甚春秋

梅花引過天門關作

山如峽天如席石顛樹老冰崖坼雪霏霏水洄洄先生
此道胡爲乎來哉石頭路滑馬蹄蹶昂頭貪看山奇絕
短童隨皺雙眉休說清寒形容想更飢

杖頭倒挂一壺酒爲問人家何處有將冰髯煖朝
寒何人畫我霜天曉過關

大江東去用東坡先生韻

秋光一片問蒼蒼桂影其中何物一葉扁舟波萬頃四
顧黏天無壁叩柁長歌常娥欲下萬里揮冰雪京塵干
丈可能容此人傑回首赤壁磯邊騎鯨人去幾度山

花發澹澹長空今古夢只有歸鴻明滅我欲從公乘風
歸去散此麒麟髮三山安在玉簫吹斷明月

缺月挂疏桐

擬東坡作

烏鵲不多驚貼貼風枝靜珠貝橫空冷不收半溼秋河
影缺月墮幽窗推枕驚深省落葉蕭蕭聽雨聲簾外

霜華冷

秦樓月

簫聲苦簫聲吹斷夷山雨夷山雨人空不見吹臺歌舞
危亭目極傷平楚斷霞落日懷千古懷千古一杯還
酌信陵墳土

胥莘公鼎

鼎字和之代州繁時人父持國大定中爲太子司藏
有功母后家章宗卽位擢拜尙書右丞和之大定二
十八年進士至寧初都城受兵由戶部尙書參知政
事宣宗卽位除秦定軍節度使不赴改判大興貞祐
二年拜尙書右丞車駕南渡出爲汾陽軍節度使移
知平陽權河東南路宣撫使四年授樞密副使權右
丞兼職如故五年正月朝京師進平章政事封莘國
公行臺關中未幾兼左副元帥明年以溫國公致政
進封英行臺衛州以病薨於位雷希顏爲作神道碑
云黃霸爲良吏稱首及爲丞相與張敞論列功名大
減王允當漢祀之衰計誅董卓近古社稷臣然不赦

涼州人旋致催汜之禍蕭俛之清介崔植之論議皆
足爲唐名臣而俛議銷兵植餓朱克融輩不畀一官
遂再亂河朔彼或量不足或才略有所窮權不足以
濟事智不足以知時故也以姚崇之賢惟其不知道
未免爲揀時之相其他可知也國家有通明相曰英
國胥公尙兼數公之長予謂希顏此論似涉過差至
於爲國朝名相以度量雄天下則在公爲無愧矣在
長安日乞致仕表云興造功業方聖主有爲之時表
襄山河豈愚臣養病之地送弟有詩云世事正須高
著眼宦途休厭少低頭他文類此弟恆常之子嗣祖
今在燕中

阮郎歸寄李都運有之

人情冷煖共高低疏慵非所宜老夫碌碌本無機閒教
造物疑形木槁鬢絲垂山林先有期故人只道挂冠
遲此心應不知

許司諫古

古字道真承安中進士在宣宗朝以直言極諫稱哀
宗卽位首命驛致之洛致仕授右司諫未幾乞身還

伊陽

開闢公制詞云安車蒲輪天子所以厚優賢之

以兩全而前後不可多得有臣如此如卿幾人具官
道直以方氣剛而大議論非世儒所到名節以古人
自期擢自先朝置之諫列斥安昌竊位已聞折檻之
忠及梁冀伏辜方見埋輪之志朕卽大位稔聞直聲
起之於田里退閒之閒超之於侍從論思之地完備
始終之節從容進退之閒歎陽城之敢言惜其將去

念孔戣之既老挽之莫留特進一階榮躋四秩華山
拂袖最是爲世上之閒神武挂冠猶不負山中之相
勉終晚節郡守爲起伊川亭道眞性嗜酒老而未衰
益介壽祺每乘舟出村落閒留飲或十數日不歸及泝流而上
老稚奔走爭爲之挽舟數十里不絕其爲時人愛慕
如此正大七年年七十四卒前三日有書見及字已
敬頌矣

行香子

秋入鳴皋爽氣飄蕭挂衣冠初脫塵勞窗閒巖岫看盡
昏朝夜山低晴山近曉山高細數閒來幾處村醪醉
模糊信手揮毫等閒陶寫問甚風騷樂因循能潦倒也
消搖

眼兒媚

濁醪窈得玉爲漿
風韻帶橙香
持杯笑道鵝黃似酒
似鵝黃
世緣老矣
不思量
沈醉又何妨
臨風對月
山歌野調儘我疏狂

馮內翰延登

延登字子駿吉州人承安二年進士令寧邊日適閑
閑公守此州與之考論文義相得甚歡故子駿詩文
皆有律度正大末奉命北使見留使招鳳翔不從欲
殺者久之割其鬚髯羈管豐州二年乃得還天興初
元授禮部侍郎京城陷自投井中子駿資稟淳雅與
人交殊款曲讀書長於易左氏傳好賢樂善有前輩

風調嘗欲作國朝百家詩而不及也有集號橫溪翁
予過大名見於其子源如賦德順道院隴泉云玉壘
制方維瓊漿闕仙宅何人劖雲根一旦泄地脈金匱
鎖龍釐月窟逗蟾液銅壺漏水清玉斗天醴碧光搖
日千道影落天一席窈然仇池穴自與天壤隔又登
封途中遇雨留僧舍云溼雲若煙低飛雨如矢集近
山衣已涼薄寒復相襲霽景函草木秋意滿原隰林
紅寒更殷山翠晴更溼不知高幾許但見蒼壁立羣
峰誰暇數庭笥紛戢戢騰擲來眼中左右疲顧揖皆
其得意句也

玉樓春

真河中瑞雲亭

長原迤邐孤靡臥野色微茫河界破草承行履綠雲深
花觸飛丸紅雨妥高亭初試煎茶火醉玉漸譁春滿
座行杯莫厭轉籌頻佳節等閒飛鳥過

溪南詩老辛愿

愿字敬之福昌人其大父自鳳翔來居縣西南女儿
山下以力田爲業敬之自號女儿野人年二十五始
知讀書取白氏諷諫集自試一日便能背誦乃聚書
環堵中讀之書至伊訓詩至河廣頗若有所省欲罷
不能因更致力焉音義有不通者搜訪百至必通而
後已有一事闕十年者由是博極羣書於三傳爲尤
精至於內典亦稱該洽杜詩韓筆未嘗一日去其手

作文有綱目不亂詩律深嚴而有自得之趣性野逸
不修威儀貴人延客敬之麻衣草屨足脛亦露坦然
於其閒劇談豪飲旁若無人高獻臣爲河南治中聞
其名引爲上客及獻臣爲府尹所誣敬之亦被訊掠
幾預一網之禍自是以敬之之名爲諱絕不與交
不二三年日事大狼狽田五六十畝歲入不足一牛
屢爲追胥所奪竟賣之以爲食眾雛嗷嗷張口待哺
雅負高氣不能從俗俯仰迫以飢凍又不得不與世
接其枯槁憔悴流離頓踏往往見之於詩元光初予
與李欽叔在孟津敬之自女儿來爲之留數日其行
也欽叔爲設饌備極豐腆敬之放筯而歎曰平生飽

食有數每見吾二弟必得美食明日道路中又當與
老飢相抗去矣會有一日辛老子僵臥柳泉韓城之
閒以天地爲棺椁日月爲含穉狐狸亦可螻蟻亦可
耳予二人爲之惻然敬之佳句極多如自憐心似魯
連子人道面如裴晉公萬事直須稱好好百年端欲
付休休院靜寬留月窗虛細度雲浪翻魚出浦花動
烏移枝之類恨不能悉記耳木棲云吟窗醉几秋風
晚只許幽人箇裏知三
鄉光武廟云萬山青繞一
川斜到其處知爲工也予嘗論敬之士之有所立
必藉國家教養父兄淵源師友講習三者備而後可
喻如世之美婦多出於膏腴甲族薰醲含浸之下闔
閭閒非無名色一旦作公夫人則舉步羞盪曾大家

婢不如其理然也故作新人材言教育也獨學無友
言講習也生長見聞言父兄也至於傳記所載西子
乃苧蘿山采薪氏之女越君臣教之容止七日而納
之王遂能惑夫差傾吳國豈常理也哉敬之落落自
拔耿耿自信百窮而不憫百辱而不沮任重道遠若
將死而後已者三十年亦可謂難矣南渡以來詩學
爲盛後生輩一弄筆墨岸然以風雅自名高自標置
轉相販賣少遭指擿終死爲敵一時主文盟者又皆
汎愛多可坐受愚弄不爲裁抑且以激昂張大之語
從與之至比爲曹劉沈謝者肩摩而踵接李杜而下
不論也敬之業專而心通敢以是非白黑自任每讀

劉趙雷李張杜王麻諸人之詩必爲之探源委發凡
例解絡脈審音節辨清濁權輕重片善不掩微類必
指如老吏斷獄文峻網密絲毫不相貸如衲僧得正
法眼徵詰開示幾於截斷眾流人有難之者則曰我
雖不解書曉書莫如我故始則人怒之罵之中而疑
之已而信服之至論朋輩中有公鑒而無姑息者必
以敬之爲稱首蓋不本於教育不階於講習不出於
父兄而卓然成就如此然則若吾敬之者真特立之
士哉

劉景玄趙宜之雷希顏李欽叔
張仲經杜仲梁王仲澤麻知幾

臨江仙

河山亭留別欽叔裕之

誰識虎頭峰下客少年有意功名清朝無路到公卿蕭

蕭華屋白髮老諸生
邂逅對牀逢二妙揮毫落紙堪
驚他年聯荷上蓬瀛
春風蓮燭莫忘此時情

李右司獻能

獻能字欽叔河中人年二十一以省元賜第廷試第
一人宏詞優等授應奉翰林文字在翰苑凡十年出
爲鄜州觀察判官用薦者復應奉俄遷修撰以鎮南
軍節度副使充河中經歷正大八年河中陷獨得一
船走陝州被召以道梗不能赴就權陝府行省左右
司郎中軍變遇禍欽叔姿稟明敏博聞強記輩流中
少見其比爲人誠實樂易洞見肺腑世間狡獪變詐
織悉無不知然羞之爲不道也與人交不立崖岸杯

酒相然諾赴難解紛不自顧藉雖小書生以愛兄之
道來亦殷勤接納傾筐倒屣無復餘地時輩以此歸
之家故饒財盡於貞祐之亂京師冷官食貧口眾無
以自資太夫人素豪侈厚於自奉小不如意則有金
魚墮地之譴人視之殆不堪其憂而欽叔處之自若
也欽叔文章行業過人處甚多而天下獨以其純孝
爲不可及云

春草碧

紫簫吹破黃州月
簌簌小梅花飄香雪
寂寞花底風鬟
顏色如花命如葉
千里沈兵塵
凌波屐心事鑑影鸞
孤箏絃雁絕
舊時雪堂人
今華髮斷腸金縷新聲杯深

不覺琉璃渴醉夢繞南雲花上蝶

江梅引

爲飛伯賦青梅

漢宮嬌額倦塗黃
試新妝立昭陽
萼綠仙姿高髻碧羅
裳翠袖捲紗閒倚竹
暝雲合瓊枝薦暮涼
璧月浮香
搖玉浪拂春簾
瑩綺窗冰肌夜冷滑
無粟影轉斜廊
冉冉孤鴻煙水渺
三湘青鳥不來天也老
斷魂些清霜靜

楚江

浣溪沙

河中環勝樓感懷

垂柳陰陰水拍堤
欲窮遠目望還迷
平蕪盡處暮天低
萬里中原猶北顧
十年長路卻西歸
倚樓懷抱有誰知

王右司渥

渥字仲澤以字行興定二年進士調管州司候不赴
壽州防禦使邦獻商州防禦使國器武勝節度庭玉
愛其才連辟三府經歷官在軍中凡十年舉寧陵令
未赴丁太夫人憂廬墓三年服除復授寧陵正六七
年朝廷與宋人議和擇可爲行人者仲澤以才選凡
再至揚州制司宋人愛其才有中州豪士之目使還
以寧陵課最遷一官人爲尙書省掾三月卽授太學
助教充樞密院經歷官八年院廢權右司郎中中牟
失利不知所終仲澤博通經史有文采善談論工書
法妙於琴事詩其專門之學人物楚楚若素宦於朝

吏事則與冀京父相上下其辨博又屏山所許天下
談士三人之一也嘗與予行內鄉山中馬上賦詩云
霜風十月餘千山錦崢嶸又九日登潁亭見寄云茫
茫襄城野歲晏多風埃野田半已荒草蟲鳴更哀西
風吹白雲大隗安在哉七聖之所迷而我胡爲來我
本林野人初無經世材失身鞍馬閒坐令雙鬢摧安
得元紫芝共舉重陽杯詩成西北望九山鬱崔嵬此
詩脫遺處不復能記憶讀之尙可以見斯人胸懷之
彷彿仲澤穎上詩不才被棄翻爲福拙計無營卻似
高是處青山可埋骨誰家白酒不消憂夕陽轉
屋臥林影急雨壞橋
喧水聲人喜傳之

水龍吟

從商帥國器獵同裕之賦

短衣匹馬清秋慣曾射虎南山下西風白水石鯨鱗甲
山川圖畫千古神州一時勝事賓僚儒雅快長堤萬弩
平岡千騎波濤捲魚龍夜落日孤城鼓角笑歸來長
圍初罷風雲慘淡貔貅得意旌旗閒暇萬里天河更須
一洗中原兵馬看鞬囊嗚咽咸陽道左拜西還駕

李扶風節

節字正臣涇州人呂造榜進士以詩名關中資性渴
稽談笑有味而臨事以幹局稱歷威戎扶風合初名
守節哀宗卽位去守字哀宗知其名謂侍臣言吾不
欲人避上一字李守節何故避之良久曰臣子敬君
避之亦可正臣有詩云楛頭打出和糴米丁口簽來

自願軍讀之則時政可知矣

滿江紅

示婦

紙帳春溫春睡穩窗槐搖綠吾老矣不堪重著翠圍紅
簇千古清風荆布在一家樂事糟糠足笑杜陵憔悴漫
多情須燕玉求凰意傳新曲驂鸞夢從渠續問臨邛
何賤會稽何辱吠畝豈無天下士斧斤不到山中木但
莫教風雨兩雛鳩危枝宿

景覃

覃字伯仁華陰人年十八有賦聲大定初三赴簾試
後以病不就舉博極羣書有舉問者立誦數百言不
休又從而講說之爲人誠實樂易不修威儀隱居西

陽里以種樹爲業落托嗜酒醉則浩歌日以爲常作
詩有功樂府亦可傳予同年進士王元禮嘗從之學
說伯仁老不廢書有勸以養目力者曰我輩非讀書
則無所用心要當死而後已耳晚年於易有所得年
七十終於家自號涓濱野叟有集傳關中

鳳樓梧

倦客情悰紛似縷小院無人臥聽秋蟲語歸意已攬新
雁去晚涼更作瀟瀟雨架上秋衣蠅點素冷菊戎裝
尚被春花妒別有溪山容杖屨等閒不許知人處

天香

市遠人稀林深犬吠山連水村幽寂田里安閒東鄰西

舍準擬醉時歡適社所零禱有簫鼓喧天吹擊宿雨新
晴壠頭閒看露桑風麥無端晴亭暮驛恨連年此時
行役何似臨流蕭散緩衣輕幘炊黍烹雞自勞有脆綠
甘紅薦芳液夢裏春泉糟牀夜滴

又

百歲中分流年過半塵勞繫人無盡桑柘周圍菅茅低
架且喜水親山近倦飛高鳥算也有閒枝棲穩紙帳紉
衾口高睡起嬾梳蓬鬢開階土花碧潤緩芒鞋恐傷
蝸蚓削掩衡門空解草玄誰信俗駕輕雲易散賴獨有
蓮峰破孤悶世事悠悠從教莫問

宗室文卿

從邵字文卿木名瑀字子玉衛紹王改賜焉父金紫
公有中庸集文卿以父任充符寶章宗試一日百篇
賜第朝廷經略西蜀宗室綱遣太尉中孚之子公輔
說吳曦稱藩文卿私謂梁經父言誘人以叛豈有天
下者所宜爲其後蜀事竟不成識者稱焉仕至安肅

刺史

西江月

題鄂鄂王化呂仙翁祠堂

壁斷何人舊字鑪寒隔歲殘香洞天人去海茫茫玩世
仙翁已往西日長安道遠春風趙國臺荒行人誰不
悟黃梁依舊紅塵陌上

高博州憲

憲字仲常遼東人祖衍字穆仲國初進士仕至吏部
尚書伯父守義大定十六年進士父守信以廢補官
叔守禮宣徽使仲常黃華之甥幼學於外家故詩筆
字畫俱有舅氏之風天資穎悟博學強記在太學中
諸人莫敢與抗泰和三年乙科登第自言於世味淡
無所好惟生死文字閒而已使世有東坡雖相去萬
里亦當往拜之屏山故人外傳說仲常年未三十作
詩已數千首矣釋褐博州防禦判官遼陽破沒於兵
閒

梅花引

蒿火日藜羹腹書生寧有封侯骨長鬚奴下澤車艱關

險阻誰教涉畏途半生落漠長安道一事無成雙鬢老
南轅胡北轅吳功名富貴情知不可圖 槐安夢鼓笛
弄馳驟百年塵一鬪陶淵明張季鷹一杯濁酒焉知身
後名有溪可漁林可繳須信在家貧也樂熊門春沮江
雲幾時作箇山閒林下人

又

城下路淒風露今人犁田昔人墓岸頭沙帶蒹葭漫漫
昔時流水今人家黃埃赤日長安道倦客無漿馬無草
開面關閉面關千古如何不見一人閒 六國擾三秦
掃初謂商山遺四老馳單車致緘書裂荷焚芰接武曳
長裾高陽真得酒中趣身到醉鄉安穩處生忘形死忘

名二豪侍側劉伶初未醒

王先生子可

予可字南雲吉州人父本軍校南雲亦嘗隸籍年三十許大病後忽發狂久之能把筆作詩文及說世外恍惚事南渡後居上蔡遂平郟城之閒在郟城爲最久遇文士則稱大成將軍於佛前則諦摩龍什於道則騶天玄後於貴游則威錦堂主人爲人軀幹雄偉貌亦奇古戴青葛巾頂後垂雙帶狀若牛耳一金鏤環在頂額之閒兩頰以青涅之指爲翠靨衣長不能掩脛故時人有哨腿王之目落魄嗜酒每入城市人爭以酒食遺之夜宿土室中夏月或尸穢在旁蛆蟲

狼藉不卹也人與之紙落紙數百言或詩或文散漫
碎雜無句讀無首尾多六經中語及韻學家古文奇
字字畫峭勁遇宋諱亦時避之人或問以故事其應
如響諸所引書皆世所未見談說之際稍若有條貫
則又以誕幻語亂之麻知幾張伯玉與之游最狎說
其所作詩以百分爲率可曉者才二三耳題崧山石
淙云石裂雲華漬月秋蓋石淙之石皆狀若湖玉其
高有五六十尺者石之文如蟲蝕木如太古篆籀奇
峭秀潤一一在潭水中親到其處知詩爲工也蔡州
北懸壺觀仙榆云壺樹苔波月漬皴醉後云一壺天
地醉眠小宮體云萬疊雲山飛小雁射虎首句云風

色偃貂裘卽閣筆自戲云此虎來矣樂府云唾尖絨
舌淡紅甜又自戲云欲下犁舌獄耶和太白金宮詞云
金盃水不煖翠雀啄晴苔又云鳳蹴瑤華散龍銜桂
子香西瓜云一片冷截潭底月六彎斜捲隴頭雲烹
茶云簾捲綠陰花外月玉山冰雪醉扶翁凌霄花云
啼鳥倒銜金羽舞驚蛇斜傍玉簾飛威錦堂樂府云
鳳環捧席帶香屏鯨杯倚伎和雲捲屏疑此類尙多
人亦多贈南雲詩者李子遷云石鼎夜聯詩筆健布
囊春醉酒錢粗真南雲傳神詩也壬辰兵亂爲順天
軍將領所得知其名竊議欲挈之北歸館於州之瑞
雲觀南雲明日見將領自言云我不能任君家瑞雲

觀也不數日病卒後復有見之淮上者

小重山

寶樹簾鉤捲月窗縷衣金樣褪汎餘香卿卿榮耀寵恩
光三竿日鬢翠楚山長螺髻戛浮觴鳳匳塵瑩恨浥
漚霜賣珠樓外串離腸春殘夢今夜擬高唐

予可自解
漚霜脂粉

生查子

夜色明河靜好風來千里水殿謫仙人皓齒清歌起
前聲金罍中後聲銀河底一夜嶺頭雲繞徧樓前水
長相思

風煖時雨晴時熏褶羅衣人未歸螿蛾愁欲飛
枕瓊

霞瑣窗紗簾月樓空燕子家春風掃落花

王監使特起

特起字正之代州崞縣人智識精深好學善論議音
樂技藝無所不能長於辭賦出入經史摘其英華以
爲句讀如天造神出至得意不減郭黼在張代州門
下與屏山爲忘年友泰和三年進士甲科調真定府
錄事參軍有惠政民立碑頌其遺愛改令沁源又遷
司竹監使朝議欲以館職召試會卒游龍德宮聯句
云棘猴未窮巧槐蟻或失王賦雙峰競秀云龍頭矗
雙角駝背堆寒峰華山云三峰盤地軸一水落天紳
造化無遺巧丹青總失真閑閑公屢哦此詩以爲妙

梅花引

山之麓河之曲一灣秀色盤虛谷水溶溶雨濛濛有人
行李蕭蕭落葉中人家籬落炊煙溼天外雲峰迷淡碧
野雲昏失前村溪橋路滑平沙沒舊痕丹楓下瀟湘
夜橫披省見王維畫畫無聲慘經營何如幻我清寒此
道行馬頭風急催行色疑是山靈嫌俗客釣魚磯綠蓑
衣有人坐弄滄浪猶未歸

趙內翰攄

攄字子充宛平人自號醉全老人

兩歌子

澗草萋萋綠林鶯恰恰啼汀沙過雨便無泥喚得芒鞋

隨意到前溪
浦澈渾堪畫
雲煙總是題
江湖老伴一
蓑衣
真箇斜風細雨不須歸

虞美人

同孟利器尋春

春來日日風成陣
桃李飄零盡
樹頭樹底覓殘紅
只有郭西梨雪照晴空
酬春須得如川酒
酒債尋常有
葛巾敲側倩人扶
大似浣花溪上醉騎驢

孟內翰宗獻

宗獻字友之開封人大定三年鄉府省御四試皆第一
供奉翰林曹王府文學兼記室參軍以疾尋醫久之
授同知單州軍州事丁母憂哀毀致卒劉無黨題其詩卷後云簪紱忘情累山林閱歲陰選官堂印手

說法老婆心友之深世路嗟前卻人生變古今公平

真不死名姓斗之南相人孔嗣訓挽云二十年閒事

才名一夢新衰羸驚喪母哀毀竟亡身魂返愁楓夜

情留淚草春黃公酒壚在此去只悲辛汴人高公振

特夫云見說平生夢前途盡目前友之未第時夢中

今皆乘除雖有數凶禍竟何緣禮樂三千字才名二

十年仁人遽如許無路問蒼天又云誰謂詩成識清

冰果自焚友之雪燭詩固知劫火終無盡人嗟埋玉

樹天為落文星友之鄰舍李生言六月月中連二數詩

雖不盡工姑並記之有以見先生於出處之際死生

之變造物者皆使之前知其以天下重名界之者為

不偶然云

菩薩蠻

回文

睡驚秋近鳴蟲砌
蟲鳴近秋驚睡蒼鬢
摻勻霜霜勻
摻鬢蒼影孤燈翳
冷冷翳燈孤影長
歎浩歌狂狂歌
浩歎長

張太尉信甫

信甫名中孚世爲安定望族初以父任知寧環鎮戎
三州天會中宋亂渭帥劉錡遁走諸將推信甫攝帥
事時左副元帥軍已次宮池信甫乃詣行營約衣冠
禮樂無變宋舊則當送款從之卽日事定授鎮洮軍
節度使兼涇原經略安撫使改陝西諸路節制使及

地入於朱信甫留臨安皇統中理索北歸就拜行臺
兵部尙書天德二年參知政事貞元初新都城遷尙
書左丞以病乞身出爲濟南尹改南京留守未幾薨
弟忠彥字才甫歸國授招撫使世宗朝終於吏部尙
書信甫昆弟天性友愛起行陣間而文雅俱有可稱
信甫自號長谷老人才甫季弟某義谷有三谷集傳
於家

蔚山溪

山河百二自古關中好壯歲喜功名擁征鞍彫裘繡帽
時移事改萍梗落江湖聽楚語厭蠻歌往事知多少
蒼顏白髮故里欣重到老馬省曾行也頻嘶冷煙殘照

終南山色不改舊時青長安道一回來須信一回来

王玄佐

賢佐一字玄佐名滄咸平人爲人沈默寡欲邃於易學若有神授之又通星曆緯識之學明昌初德行才能召至京師命以官不拜朝廷重其人授信州教授未幾自免去再授博州教授郡守以下皆師尊之一日守會客適中使至中使漠然少年重賢佐名強之酒守從旁救之曰王先生不茹葷酒勿苦之也中使乃止是夕賢佐棄官遁歸鄉里宣宗卽位聞其名議驛召之以道梗不果車駕南渡人有自咸平來者說賢佐年六十餘起居如少壯人宣宗重其人常以字

呼遣王曼卿授遼東宣撫使不拜又詔宰相以書招
之云阻奉仙標渴思道論敬佇下風瞻系何極先生
嘉遯林藪脫屣浮榮究大易之盈虛洞玄象之終始
道尊德重名動天朝推其緒餘足利天下然君子之
道出處語默何常之有或拂衣而長往或濡迹以揅
時故當其無事則采薇山阿餌水巖岫固其宜矣及
多難之際社稷傾危而不顧蒼生倒懸而不解其自
爲謀則善矣仁人之心固如是乎某等猥以不才謬
膺重任四郊多壘咎將誰執徒積慚汗坐視何益日
夜以思庶幾得明利害而外爵祿者在天子左右同
濟太平今聖上明發不寐軫念元元屈已下賢尊師

重道歎先生之絕識仰先生之高風雖黃帝尊廣成
之道唐虞重潁陽之節不是過也先生懷寶遺世如
某輩之不肖固在所棄獨不念累世祖宗之基業億
兆生靈之性命忍忘之耶昔商巖四老定儲嗣而暫
來東山謝安爲蒼生而一起今安危大計非特定儲
之勢也強敵侵逼又非東晉之時也生民塗炭亦已
極矣豈先生建築於明昌之初獨無一言於貞祐之
日乎想先生幡然而改惠然而來審定大計轉危爲
安然後披蕙幌拂雲扃未爲晚耳敬聽車音某雖不
肖請擁篲而先之書達竟不至遼東破時年九十餘
矣

洞仙歌賦榛實屏山所錄

圓剛定質混物非凡類仁處其中靜忘意任蝶蜂狂繞

燕雀喧爭心君正惟取清白自治黃衣從淡泊此箇

家風異偶合陰陽棄神智怕旁人冷眼嫌太孤高尊俎

地聊許松梧同器待他日山林不相容請援手仙曹要

充仙贊混物作

愚軒居士趙元

元字宜之定襄人經童出身舉進士不中
以年及調鞏西簿未幾失明少日博通書傳作詩有規矩
奏和以後有詩名河東李屏山為賦愚軒有落筆突兀
無黃初之句愚軒宜之自號也用是名益重南渡以

後往來洛西山中閑閑公雷御史王子文許至忠崔
懷祖皆愛之所至必虛左以待爲人有材幹處事詳
雅旣病廢無所營爲萬慮一歸於詩故詩益工若其
五言平淡處他人未易造也宜之之父名淑字清臣
由門資敘與先隴城爲莫逆交故好問交游閒宜之
之詩爲多子頗有隱節今居鄉里

行香子

鏡裏流年綠變華
頰謝西山青眼依然
人生安用利鎖
名纏似燕營巢蜂課
蜜蟻爭窟
詞苑羣仙場屋
諸賢
看文章大筆如椽
閒人書冊且枕頭
眠有洗心經傳燈
錄坐忘篇

又
潦倒無聞坐慣家貧眼昏花心口猶存人皆笑我我儘
教人拚醉吟風閒釣月困眠雲 邂逅交親語款情真
且相從莫浪辛勤西山歸隱不用移文看菊成叢松結
子竹生孫

又
山擁垣牆水滿溪塘幾人家籬落斜陽又還夏也一霎
人忙正稻分畦蠶卸簇麥登場 老子徜徉閒日偏長
鬢鬢鬆只管尋涼綠陰何處旋旋移牀有道邊槐門外
柳舍南桑

折治中元禮

元禮字安上世爲麟撫經略使父定遠僑居於忻遂
占籍焉明昌五年兩科擢第學問該洽爲文有法度
仕至延安治中死於葭州之難坊州有詩云籬落層
層景軒窗面而山至其處知爲工也

望海潮

從軍舟中作

地雄河岳疆分韓晉重關高壓秦頭山倚斷霞江吞絕
壁野煙縈帶滄洲虎旂擁貔貅看陣雲截岸霜氣橫秋
千雉巖城五更殘角月如鉤西風曉入貂裘恨儒冠
誤我卻羨兜鍪六郡少年三明老將賀蘭烽火新收天
外嶽蓮樓想斷雲橫曉誰識歸舟賸著黃金換酒羯鼓
醉涼州

先大夫

鄉先生權參知政事代郡楊公叔玉撰先人墓銘今略載於此先生姓元氏字德明秀容人唐禮部侍郎次山之後自幼讀書世俗鄙事終其身不挂口爲人誠實樂易洞見肺腑雖童子以言欺之亦以爲誠然也先大夫沒遺產無幾先生布衣蔬食處之自若家人不敢以生理累之僮奴有竊拾束家之棗者立命還之貧人負債則往往令折券以貸之也累舉不第放浪山水閒未嘗一日不飲酒賦詩春秋四十有八終於家先生作詩不事彫飾清美圓熟無山林枯槁之氣居東山福田精舍首尾十五年東巖其自號也

有集三卷藏於家銘曰貪夫徇財智士死名宇宙古
今萬轍混并我機弗張我戶弗扃天宇泰然物莫敢
撓飲芳食菲巖岫杳冥玉佩瓊琚御風泠泠魯山之
醇次山之清世閱幾傳猶有典刑邈哉先生明昌承
安開科舉之學盛大夫士非賦不談人知先人有聲
場屋閒其以詩文爲業則不知也先人捐館後十年
好問避兵南渡游道日廣世始知有元東巖之詩楊
尙書之美云彼美元夫子學道知觀瀾孔孟澤有餘
曾顏膏未殘林觀察顯卿云文章變古名新體孝弟
傳家守舊規雷內翰希顏云詩句妙九州孝友化一
川王右司仲澤云讀書楓樹林曳杖白石灣至今文

采餘虎子仍斑斑李長源云衣冠巢許自高雅巖壑
夔龍非棄捐餘人不能悉記家集亂離以來凡三失
之今所存者特吾益之兄及門生輩所記憶者耳小
子不肖暗於事機不能高蹈遠引戀嫪升斗微俸萬
一以取縶維之禍殘息奄奄朝夕待盡誠懼微言將
絕謹以古律詩四十首附之中州集之癸冊庶幾來
者知百餘年閒作詩如先人而人或未之見其餘抱
一概之操泯泯默默終老而無聞者豈勝計哉是又
可爲歎也

好事近

次蔡丞相韻 首唱及高子文
屬和於此

夢破打門聲有客袖攜團月喚起玉川高興煮松檐晴

雪蓬萊千古一清風
人境兩超絕覺我胸中黃卷被
春雲香徹

又

天上賜金匱不減壑源三月午
碗春風纖手看一時
如雪幽人只慣茂林前
松風聽清絕無奈十年黃
卷向枯腸搜徹

蔡丞相

又

誰打玉川門白絹斜封團月晴
日小窗活火響一壺
春雪可憐桑苧一生顛
文字更清絕直擬駕風歸
去把三山登徹

高子文

中州樂府校記

吳激

小敘

念甫

原本念作人从日
木五山覆元本

春從天上來

夢裏

鬢變

原本裏作回鬢作鬚並从
五山本汲古本鬢作鬚

蔡松年

小敘

清真

原本清作靖
从五山本

江神子慢

總陳迹

原本總字作種
種从陽春白雪與春原本與字脫
从五山本

聲聲慢

題

原本涼陞作深
歷从五山本

年來

原本二字倒
从五山本

趙可

五山本在
鄧干江後

雨中花慢

原本作望海潮
从孫德謙校

幕府

傷心

五山本幕府作
寶符心作春

卜算子

題

原本末語字
从五山本

鷓鴣天

十頃

五山本
十作干

溢岸清

原本清作青
从五山本

任詢

小敘

處州

五山本
處作處

畫高

於書

高於詩

原本作畫高
於詩从五山

本都句

汲古本
句作司

年七十

原本年字脫
从五山本

永遇樂

三釁

原本三作二
从五山本

馮子翼

小敘

節度使

原本使字脫
从五山本

李晏

婆羅門引

坐看

原本坐下衍上
字从五山本

劉仲尹

鷓鴣天

合箏

五山本
作苦能

攤破浣溪沙

羅敷原本敷作羅

浣溪沙

體貼

柴東池

原本柴作渠

戲樓

原本樓作樓

又曼

一寸五山本
一作入

党公

青玉案

紅紗

原本紗作莎

感皇恩

柔條

原鈔柔字脫

王庭筠

清平樂

雙溪南北

原本南下衍溪字汲古本

密國公璫

青玉案

惟見

原本惟作誰

廉纖

原本廉作簾

沁園春

輕簪

原本輕作青

趙秉文

小敘 略釋

補注

義理

原本略作洛補作浦
理作禮竝从五山本

水調歌頭

醉時真

原本真作曠
从五山本

梅花引

路滑

五山本
路作馬杖頭

原本上脫二十八字
未空格从孫德謙校

大江東去

題

原本脫从
五山本

秦樓月

危亭

汲古本
亭作樓

懷千古

原本疊句脫
从五山本

晉鼎

小敘

送弟有詩

五山本
詩作之

許古

小敘

致之洛

原本洛作落
从五山本

注

原本挂冠挂字山中
字竝脫竝从五山本

馮延登

玉樓春

草承行履

原本作草行繩
履从五山本

辛愿

小敘

而有自得

亦可耳

原本而字耳字
脱竝从五山本

王渥

小敘

初無

雙鬢摧

原本無作為摧作
催竝从五山本

李節

滿江紅

題

原本脱
从五山本春温

原本温字脱
从五山本

景覃

天香

蓮峰

原本蓮作蓬
从孫德謙校

宗室文卿

西江月

黃梁

原本梁作糧
从孫德謙校

高憲

梅花引蒿火

題原本無題下闕題作貧也樂一槐安原本

安作堂从五山本

又

下城酒中五山本
酒作杯

王子可

小敘

字畫 淡紅

太白

水不煖

原本畫作或淡作談水作冰並

从五山本

冷截按截疑裁誤

王特起

小敘

司竹原本竹字複衍从五山本

孟宗獻

小敘

雖有數原本有作定从五山本

張信甫

小敘

新都城按城疑成誤

王玄佐

小敘

德行按德上疑脫以字者

不果固其宜矣外爵祿者

洞仙歌

家風異按異字疑衍

趙元

小敘

子顯原本顯作顯从五山本

折元

禮五山本在東岩君後

先大夫

先東岩君

小敘

萬轍

升斗

取繫維原本轍作輓斗作騰取作成繫作繫竝从五山

右中州樂府一卷彭汝寔毛鳳韶序明嘉靖中嘉定
守高登刊之九峰書院者毛子晉刻中州集据宏治
本刻樂府卽据此本然頗有異文且云小敘已見詩
集中不復贅不知鄧干江宗室文卿張信甫王卒佐
折元禮五人詩中俱未見小敘一概不載疏矣元至
大庚戌平水進德齋刊中州集竝樂府曰本五山嘗
覆刻之取校此本頗資訂正獨是吳學士蔡丞相高
內翰之流蕭真卿嘗稱國初文士不可不謂之豪傑
而嚴永濬則病其以宋之名士或以奉使留或以知
名顯使言楚材晉用特道其辭責以成一代之文耳

裕之疏其人直書而不諱者殆深意存焉三復斯言
爲之縈歎宣統旃蒙單閼之歲辜月歸安朱孝臧跋

天下同文目錄

盧摯

六州歌頭

梅花引

蝶戀花

菩薩蠻

清平樂

清平樂

清平樂

姚雲

摸魚兒

八聲甘州

王夢應

疏影

醉太平

顏奎

清平樂

歸平遙

浣溪沙

菩薩蠻

醉太平

憶秦娥

大酺

羅志可

金人捧露盤

霓裳中序第一

揚州慢

詹玉

齊天樂

桂枝香

李琳

木蘭花慢

六么令

補遺

盧摯

春從天上來

鷓鴣天

清平樂

木蘭花慢

A table with 10 columns and 10 rows, currently empty. The table is framed by a double-line border and is oriented vertically on the page. The columns are separated by single vertical lines, and the rows are separated by single horizontal lines. There is no text or data within the table cells.

天下同文

疏齋摯處道

六州歌頭題萬里江山圖

詩成雪嶺畫裏見岷峨浮錦水歷豔瀕滅坡陀匯江沱
喚醒高唐殘夢動奇思聞巴唱觀楚舞邀宋玉訪巫娥
擬賦招魂九辯空目斷雲樹煙蘿渺湘靈不見木落洞
庭波撫卷長哦重摩挲問南樓月癡老子興不淺夜
如何千載後多少恨付漁蓑醉時歌日暮天門遠愁欲
滴兩青蛾曾一舸奇絕處半經過萬古金焦偉觀鯨鼇
背儘意婆娑更乘槎欲就織女看飛梭直到銀河

梅花引和趙平遠催梅

綠華縹緲玉無痕託清塵擬招魂放著藍輿懶倦到前
邨笑撫高齋新樹子晚妝未悠悠學夢雲 竟日含情
何所似似佳人望夫君寒香細月空江上會有春溫羞
澀冰麩寂寞掩重門交下橫枝消息動肯虛負風流竹
外樽

蝶戀花 鄱江舟夜有懷餘干諸士兼寄熊東采

甫

越水涵秋光似鏡泛我扁舟照我綸巾影野鶴閒雲知
此興無人說與沙鷗省 回首天涯江路永遠樹孤邨
數點青山暝夢過煮茶巖下聽石泉嗚咽松風冷

菩薩蠻 寄江西米理問信父

市橋煙柳春如畫小樓明月吳山下把酒聽君歌可人
良夜何舊遊新夢斷月落西江遠江上數峰青寄聲
徐孺亭

清平樂送張都事子敬秩滿北歸

朱絃三歎寶瑟凝塵滿更柰芙蓉秋思晚湘浦離歌欲
斷往年樽俎風流憶君送客江樓此日江樓送客忘
懷賴有沙鷗

清平樂行郡歙城寒食日傷逝有作

午時寒食直到清明日草草杯盤聊自適不管家徒四
壁今年寒食無家東風恨滿天涯早是海棠睡去莫
教醉了梨花

清平樂歙郡清明

海棠凝絕忙甚都開徹不是蕪菁花上蝶誰爲清明作
節溪山今日無塵繡衣卻待禁春莫遣鳴騶多事老
夫也是遊人

江村姚雲

摸魚兒詠良嶽圖

渺人閒蓬萊何許一朝飛入梁苑網川梯洞層瑰出帶
取鬼愁龍怨窮賞宴談笑裏金風吹折桃花扇翠華天
遠但莎沼螢黏錦屏煙合草露泣蒼蘚東華夢好在
牙檣雕輦畫圖歷歷曾見落紅萬點孤臣淚斜日牛羊
春晚摩雙眼看塵世鼇宮又報鯨波淺吟鞘拍斷便乞

與媯皇化成精衛填不盡遺恨

八聲甘州競渡

卷絲絲雨織半晴天
櫂歌發清腔甚蒼刺怒躍靈鼉急
吼雪湧平川樓外榴裙幾點描破綠楊煙把畫羅遙指
助嘯爭先憔悴潘郎曾記得青龍千舸采石磯邊歎
內家帖子閒卻縷金牋覺素標插頭如許儘風情終不
似鬪羸船人聲斷虛齋半掩月印枯禪

靜得王夢應聖與

疏影

膏騰曉被聽墮冰屋角晴晷仍未土溼煙生庭掩寒青
障泥懶爲春試東風舊與花飛去料記得年年沙際忍

落梅萬點苔根化作一窗離思
猶憶薦紅裀綠斷橋
雪未掃天近春易老對荒寒事舊人新
鴈後不成情味
人閒解有花如海待一片不教隨水但玉香酥影玲瓏
逐日暖紅雲裏

醉太平送人入湘

寒窗月時寒梢露明一痕歸影燈青又分攜短亭
衡
臯佩雲蒸溪酒春有誰勤說歸程是峰頭鴈聲

吟竹顏奎子俞

清平樂

欲留君住且待晴時去夜深水鶴雲閒語明日棠梨花
雨樽前不盡餘情都上鳴絲細聲二十四番風後綠

陰芳草長亭

歸平遙

春□□拂拂檐花雙燕入少年湖上風日問天何處覓
湖山畫屏晴碧夢華知夙昔東風忘了前迹上青蕪
半壁

浣溪沙

夢泊遊絲晝影移水沈香宛紫煙微玉笙纔過畫樓西
天上人閒花事苦鏡中翠壓四山低又成春過據鶯
啼

菩薩蠻

燕姬越女初相見鬢雲翻覆隨風轉日日轉如雲朝朝

白髮新
江南古佳麗只縮年時髻
信手縮將成從來
懶學人

醉太平壽須溪

茶邊水經琴邊鶴經小窗甲子初晴報梅花小春小
冠晉人小車洛人醉扶兒子門生指黃河解清

憶秦娥

水雲幽怕黃霜竹生新愁生新愁如今何處倚月明樓
龍吟杳杳天悠悠騰蛟起舞鳴篳篥鳴篳篥聽吹短
氣江上無秋

大酺和須溪春寒

唱古茶蘼新荷葉誰向重簾深處東風三十六向園林

都過餘寒猶妒公子狐裘佳人翠袖怎見此時情否天
上知音杳怪參差律呂世閒多誤記畫扇題詩單衣試
酒夢歸泥絮嗟春如逆旅送無路遠涉前無渡回首
住凌波亭館待月樓臺滿身花氣凝香霧度入南薰去
留燕伴不教遲暮但一點芳心苦生怕搖落分付荷房
收貯晚妝又隨過雨

壺秋羅志可

金人捧露盤 丙戌過錢塘

溼苔青妖血碧壤垣紅怕精靈來往相逢荒煙瓦礫寶
釵零亂隱鸞籠吳峰越巘翠鬢鎖苦爲誰容浮圖換
昭陽殿僧磬改景陽鐘人閒事淚老金銅驪山廢盡更

無宮女說玄宗角聲□起海濤落滿眼秋風

霓裳中序第一四聖觀

來鴻又去燕看罷江湖收畫扇湖曲雕闌倚倦正船過
西陵快篙如箭凌波不見但陌花遺曲淒怨孤山路晚
蒲病柳澹綠鎖幽院誰恨五雲宮殿記舊日曾遊翠
輦青紅如寫便面下鵲池荒放鶴人遠粉牆隨岸轉漏
碧瓦殘陽一線蓬萊夢人閒那信坐看海濤淺

揚州慢

危榭摧紅斷磚埋綠定王臺下園林聽檣竿燕子訴別
後驚心儘江上青峰好在可憐曾是野燒痕深付瀟湘
漁笛吹殘今古銷沈妙奴不見縱秦郎誰更知音正

鴈妾悲歌鵬奚醉舞楚戶停砧化碧舊愁何處魂歸些
晚日陰陰渺雲平鐵壩淒涼天也沾襟

天游詹玉可大

齊天樂贈童甕天兵後歸杭

相逢喚醒京華夢吳塵暗斑吟髮倚擔評花認旗沽酒
歷歷行歌奇迹吹香弄碧有坡柳風情逋梅月色畫鼓
紅船滿湖春水斷橋客當年何限怪侶甚花天月地
人被雲隔卻載蒼煙更招白鷺一醉西門又別今回記
得再折柳穿魚賞梅催雪如此湖山忍教人更說

桂枝香紫口宮寫韻軒

紫薇花露飄灑作涼雲點宮句羽字字飛仙下筆一簾

風雨江亭月觀今如許有飄零墨香千古夕陽芳草落花流水依然南浦甚兩兩凌風駕虎恁天孫標致月娥眉嫵一笑生春不比世閒兒女筆牀硯滴曾窺處有西山青眼如故翠牋寄與玉簫吹徹鳳吟鸞舞

梅溪李琳

木蘭花慢

津京

藥珠仙馭遠橫羽葆簇霓旌甚鸞月流輝鳳雲布彩翠繞蓬瀛舞衣怯環佩冷問梨園幾度沸歌聲夢裏芝田八駿禁中花漏三更繁華一瞬化飛塵輦路劫灰平悵碧滅煙綃紅凋露粉寂寞秋城興亡事空陳迹祇青山澹澹夕陽明懶向沙鷗說得柳風吹上旗亭

六幺令京中清明

澹煙疏雨香徑渺鷓鴣新晴畫簾閒卷燕外寒猶力依
約天涯芳草染得春風碧人閒塵迹斜陽今古幾縷遊
絲趁飛蝶聊向樽前起舞又覺春如客翠袖折取嫣
紅笑與簪華髮回首青山一點檐外寒雲疊梨花澹白
柳花飛絮夢繞闌干一株雪

This image shows a blank page from a traditional Chinese ledger. The page features a prominent double-line border enclosing a grid of vertical columns. There are 11 columns in total, with the leftmost column being significantly wider than the others. The page is otherwise empty of text or markings.

--	--	--	--	--	--	--	--	--	--	--

天下同文補遺

盧摯

祝聖樂章

春從天上來至元二十九年八月二十八日

姑射乘龍與少皞行秋佳氣蔥蔥
想見玉立神崧更川妃微步
正雞人唱曉鳳吹騰空
白叟黃童說向周公聲容文物歌舞帝力神功
不禁人閒酒醉得西風此心同有黃河爲帶江漢朝宗

清平樂元貞元旦

元貞更號日月開黃道試看韶華何處好擊壤康衢父

老相將竹馬兒童崧高萬歲聲中雒浦梅花香裏人

陽第一春風

鷓鴣天元貞元年九月初五日

青女飛來汗漫遊素娥相賞玉爲舟三千年也蟠桃熟
萬歲山高錦樹秋開壽域望神州日華雲影思悠悠
願將江漢清風頌鐫向崧崖最上頭

木蘭花慢大德六年正月旦

問東風何似早吹綠洞庭波要催起江頭梅妝的礫柳
態婆娑遙知玉墀鸚鵡對青陽紫禁鬱嵯峨歡動雲間
闐闐應收雪外蓬婆誰將瑤瑟託湘娥潁客播絃歌
向執法森然壽星明處陡頓春多衡君也能三呼去聲更

雙成度曲奏雲和如許升平文物仍逢混一山河

A blank page from a traditional Chinese ledger or account book. The page is ruled with 12 vertical columns, creating a grid for entries. The columns are evenly spaced and extend across most of the page's width. The paper appears aged and slightly textured. On the right edge, there are faint vertical markings and some illegible characters, likely from the adjacent page or a binding edge.

三
祔

三

天下同文校記

姚雲

摸魚兒

蓬萊

層瑰

帶取

賞宴

吟鞞

元草堂
萊作瀛

瑰作崖帶取作鞞
帶賞作遊鞞作鞞

王夢應

疏影

逐日

元草堂
逐作盡

顏奎

清平樂

欲留

夜深

元草堂欲留句作留君少住
夜深句作水鶴夜深雲外語

歸平遙

按平疑國
或丁之誤

春

元草堂作春風

菩薩蠻

從來

元草堂
來作吾

醉太平

原才作小令
从元草堂

小窗

原本窗下有明
字从元草堂

羅志可

金人捧露盤

角聲

原本聲下未空格元草堂角聲二句作海濤落月角聲起滿眼秋風

霓裳中序第一

原本第一二字脫从元草堂

誰恨

元草堂誰作離

詹玉

齊天樂

畫鼓

原本畫作曾从元草堂

怪侶

西門

元草堂怪作俊西門作修

桂枝香

有飄零

不比

元草堂有作歎不比作那學

李琳

木蘭花慢

原本慢字脫从元草堂

陳迹

原本陳作塵从元草堂

補遺

木蘭花慢

穎客

按穎疑鄂誤

石天下同文詞一卷汲古閣鈔本殆從天下同文前
甲集裁篇別出也往歲錄自罍里瞿氏寄吳伯宛京
師伯宛依式付印竝補盧疏齋四詞於後偶取元草
堂詩餘校其同異如右所疑者元草堂未收之詞厲
樊榭据天下同文輯入者其字句亦參差耳曹君直
言聞之周季貺天下同文傳寫本有歧出然則樊榭
所据未知視瞿氏本爲何如伯宛又据程文海雪樓
樂府埵錄續補疏齋一首非天下同文所載今不復
埵癸丑穀雨日歸安朱孝臧跋

鐵琴銅劔樓藏書目錄天下同文一卷不著編輯姓

氏所錄元人詞盧摯姚雲王夢應顏奎羅志可詹玉

李琳凡七人見文淵閣書目亦毛氏鈔本卷末有汲

古主人毛子晉氏毛晉之印諸朱記

案前後尚有黃丕烈印蕘圃平

江黃氏圖書三印每半葉八行行十六字

今歲彊邨侍郎從瞿氏段錄天下同文見寄疑爲未

足頃授經大理購獲鄞徐柳泉家所藏述古堂舊鈔

天下同文前甲集五十卷迺知盧疏齋詞在四十八

卷姚江邨以下爲四十九羅壺秋以下爲五十寥寥

七家分占三卷實無缺遺自來總集篇帙省縮殆無

過於此者汲古裁篇別出意或彙人所編元人詞中

惟第四卷歌頌類尙有疏齋祝聖樂章四首毛鈔未
及今補錄於後疏齋詞世無別本餘皆見鳳林書院
元草堂詩餘其未入選者亦經樊榭輯補特不知是
周南瑞編遂以作序之劉將孫當之又字句多誤藉
此訂正其詞祇二十九首而篇篇可誦元人舊帙洵
足珍異宣統己酉十月都門寓舍校定重印仁和吳
昌綬記